





第七五四册

四庫全書

●上海古籍出版社

本册目次

四庫全書

上海古籍出版社

普

濟

方(八)

明朱權撰……一

卷十五 四冊

欽定四庫全書

子部  
普濟方卷二百七

欽定四庫全書

普濟方卷二百七

明

周王朱楠撰

泄痢門

總論

難經云有脾泄有大腸泄有小腸泄有大瘕泄名曰後重蓋胃者為黃腸水穀海也故瀉則色黃食不化脾者為胃行其津液者也故瀉則腹脹滿嘔吐大腸謂白腸故瀉則大便色白腸鳴切痛小腸謂赤腸故泄則使膿血小腹痛瘕者血聚也濁陰之氣結聚於內留滯而不行則裹結後重數至固不能便故謂大瘕瀉也胃為水穀之海其精英則流布以養臟腑其糟粕則傳送以歸大腸腸胃虛弱或挾風或挾寒或傷暑傷熱停冷蓄熱冷熱不調泄瀉諸症皆能治之挾風者自汗惡風痛引腰背挾寒者筋節拘急身體怯寒傷暑者面垢燥渴之引水漿傷濕者肌肉虛浮肢體重著冷則腸鳴肚冷而手足清熱則煩燥肚熱而手足溫冷熱不調者乍瀉乍

欽定四庫全書

普濟方  
卷二百七

詳校官太醫院使臣張鑑

編修臣倉聖脈覆勅

總校官庶吉士臣何思鈞

校對官中書臣石鴻業

謄錄監生臣張五誥

滯由熱積於內不能去其積徒以冷藥水飲之熱氣無所發泄故冷與熱搏而下注其或冷積於中不能去其滯徒以熱藥壓之冷積不得宣行故熱與冷甘而成泄或澁或瀉裏急厚重是其候也外此則傷食一証失飢傷飽胃不能消心腹膨脹所下酸臭治法當究其感受之源然後為之固實不寧其源吾恐決潰四出莫知其終矣然脾胃合氣以消水穀水穀既分安有所謂泄人皆以泄為脾恙而不知腎病有泄焉腎瀉何如曰腹痛

欽定四庫全書

醫方類聚卷二百七

無定似痢非痢骨弱面黑脚下時冷者是也諸有泄瀉用不換金

散也除濕瀉之類以去風濕以安腸胃此上品藥也次則溫脾養胃之劑投之是為正法然用之而不作劫抑且腹痛走上走下或臍間痛脹骨疼酸骨節軟弱而色萎悴足麻虛弱病安在哉曰此腎泄也當以炒故紙生薑官桂乾薑木香當歸藥主之仍用安腎丸為佐其或腎水下瀉心火上炎燥渴瀉多飲無度此陰陽離絕也識者至若泄痢之後腹滿身疼是則為表裏俱病先

當溫裏急與四逆湯然後解表急以桂枝湯與之肝木脾土本能勝土古人慮之固也經肝腎氣虛為病泄瀉亦孰知腎者所以守司於下而肝者又門戶要束之具

束則不瀉也不然泄瀉而面色青慘者古書謂肝經所受致寒時用當歸厚朴湯以主之果何意哉 太素曰

五泄有瀉泄驚泄澀泄濡泄滑泄也此乃是五泄者青是感肝木之象其色青赤者受心火之氣其色赤白者得金肺之氣色白黃者脾土之氣土蒼者土氣之下與水隨之其色蒼也 泄瀉之症經中所謂瘕泄澹洞泄

濡泄溢泄水穀注下是也大腸為五穀傳送之官脾胃虛弱飲食過度或為風寒暑濕之氣所中皆能令人泄瀉如傷於風其脈必浮下必帶血當以胃風湯驅散之

欽定四庫全書

醫方類聚卷二百七

如寒氣所傷脈必沉細腹肚切痛下必青黑當以附子理中湯治中湯等溫暖之若傷於暑則脈必沉微煩渴引飲其下如水當以飲服五苓散來腹丹以分利之或夾食則又當以胃苓湯下蘇感丸若濕氣所中其脈沉緩腰脚冷痺小便不利不渴其下黃黑色當以滲濕湯蒼香正氣湯調之因停食而泄者下必臭類抱璞鷄子或噎氣作酸先服感應丸推其食積而後理脾氣體虛

弱及年高之人脾氣虛敗而自利者又當投以四柱散  
菟附丸若脾胃氣虛清晨泄下一二次二神四神丸主  
之又有腎氣虛而泄者又須金鎖正元丹以固之凡治  
瀉之法先理其中焦分利水穀然後斷下醫之大法如  
此若脚氣泄瀉各以類求滑泄一症最忌五虛五虛者  
脉細皮寒少氣前後泄痢飲食不入者是也若得糜粥  
入謂泄瀉止作可治也 五泄之病胃小腸大瘕三証  
皆以清涼飲子主之其泄自止厥陰症加甘草以緩之

欽定四庫全書

普濟方  
卷二百七

少陰證裏急後重故加大黃又有太陰陽明二証當進  
退大承氣湯主之証不能食也當先補而后泄之乃進  
藥法也先煎厚朴半兩製水煎二三服後未已謂有宿  
食不消又加枳實二錢同煎二三服泄又未已如稍進  
食尚有熱毒又加大黃三錢推過泄止佳藥如泄未止  
為腸胃有久塵垢滑粘加芒硝半合宿垢去盡則愈也  
陽明証能食是也當先泄而後補謂退藥法也先用大  
承氣湯伍錢水煎服如利過泄則少減之後稍熱退減

大黃一半再煎兩服如熱氣雖已其人必腹滿又減去  
大黃與枳實厚朴湯又煎三兩服如腹滿退泄亦自愈  
後服厚朴湯數服則已如大便虛滑久不愈太陰傳少

陰為痢為賊邪宜以厚朴枳實湯主之 儒門事親書云  
東門一男子病

瀉痢不止腹鳴如雷不散令坐坐則下注如傾諸醫倒  
斷為寒症乾薑官桂丁香荳蔻之屬枯礬龍骨皆服之  
夫何鍼不瘳何艾不注廷延將二十載矣一日問於載  
人載人曰兩手寸脉皆滑余不以為寒然其所以寒者

水也以茶調散涌寒水五七升無憂散油積水數十行  
乃通因通用之法也次以五苓散淡劑泄瀉通利之又  
以甘露散止渴不穀日冷食寒飲皆如故此法王啓玄  
總言之奈無人用之何哉又云凡大人小兒暴注水痢

欽定四庫全書

普濟方  
卷二百七

不止內經曰此名曰暴注速瀉久而不愈者為洞瀉注  
下此乃火運太過之病也火呈暴注故也急宜用新汲  
水調下甘露飲子五苓散天水散或用升華水煎此藥  
於冷服之病即瘳矣不可用御米殼乾薑豆蔻聖散子  
之類縱然泄止腸胃氣滯不通雙服服  
此法宜分陰陽利水道乃為治法之妙也 凡泄瀉水穀  
不化日夜無度腹中雷鳴下痢完穀可用導水丸禹功  
散泄之或病人老弱氣虛可用無憂散泄之再觀病勢  
強弱候一二月可服胃風湯以治其風如不愈者更服  
桂枝藤黃湯汗之則愈內經曰夫風之中為腸風飧泄  
啓玄子云風入胃中上黨於胃故食不化而化泄又云

暮食不化為殮瀉又經云春傷入風夏為殮泄故風宜出汗腸中鳴者風以動之動而有聲慎不可用墜粟蓋寇乾薑大燥之藥病漸者燥之去其濕則愈病甚者攻之不動反能為害經曰其減則漸其加則甚可用五苓散去猪苓加人參散 凡下痢膿血腹痛不止者何也請瘴瘳皆屬於心火也可用通解丸加減瀉之量其虛寔用之次用消濕散加生薑大棗芍藥服之瀉訖又用新水調五苓散服之又一法煎燈心湯調下益元散伍

欽定四庫全書

普濟方  
卷二百七

六

柴錢此病大忌油膩暈腥熱物 夫瀉痢兩証因腸胃先虛虛則六淫得以外入七情得以內傷致於飲食不節過食生冷多飲寒漿潤擾腸胃則成注下注下不已餘積不消則成滯下治瀉之法先當分利水穀車前子煎湯調五苓散是也次則上焦中焦正中湯及治中湯是也理中不効方可斷下乳豆丸固腸丸是也或尚腹痛未宜斷下斷下太早必成痢疾惟當調中化積痛輕者宜服治中湯蘇合香丸腹痛更甚者必然成痢也醫經

所謂腹痛甚者必下痢也宜連靈砂丹以逐其積此丹用之屢驗瀉者止疼者愈有疾者內化且不動臟腑大凡痢疾不先去其積雖獲暫安後必為害或陰陽相搏冷熱不調而成瀉痢者當進香連丸更有脾胃頓虛腹脇膨脹飲食不化而泄瀉者宜助脾胃藥肉丸是也今之人久瀉不止多投來復丹誤矣蓋來復內用硝石硫黃皆有利性青皮陳皮又有遵性宜宜服之如夏月暴瀉乃可服也 臟腑泄痢其証有多種大抵從風濕熱

欽定四庫全書

普濟方  
卷二百七

七

也是知寒少熱多故曰暴泄非陰久瀉非陽腹而使膿血知氣行而血止也宜大黃湯下之是為重劑黃芩芍藥是為輕劑治法宜補宜泄宜止宜和則芍藥湯止則訶子湯有暴下無聲身冷白汗小便清利大便不禁氣難喘急脉微嘔吐急以重藥溫之漿水散是也後重則宜下腹痛則宜和身重者除溫脉引者去風膿血稠粘以重藥竭之身冷自汗以毒藥溫之風邪內縮宜汗之驚瀉為痢當內之在表者發之在裏者下之在上者



身之在下者竭之身表熱者內踈之小便澀者分利之  
感者和之去者送之過者止之除濕則白朮茯苓安脾  
則芍藥桂枝黃連當歸宣通其氣則枳榔木香如泄痢  
而嘔上焦則生薑橘皮中焦則芍藥當歸桂枝苓下焦  
則治以輕熱藥下甚以重熱藥若四肢倦小使少或不利  
大便走沉困飲食減宜調胃去濕白朮茯苓芍藥三味  
水煎服如發汗惡寒腹不痛加黃芩為主如未見膿而  
惡寒乃太陰欲傳少陰也加黃連為主桂枝佐之如腹  
欽定四庫全書

普濟方  
卷二百七

八

為靈蟲食人五臟也三尸九蟲常食居人腸胃腸胃虛  
則動上食於五臟則心懊懷而悶齧斷唇口並生瘡下  
食於腸則肛門傷爛而殺道閉也輕者可治重者致死  
大腸蟲痢者冷熱之氣入在腸間先下赤後下白連年  
不愈侵傷於臟腑下血雜白如病蟲之狀名為腸蟲也  
有休息痢者胃管有停飲因痢積久或冷氣或熱氣乘  
之氣動於飲則飲動而腸虛受之故為痢也冷熱氣調  
其飲則靜而痢亦休腸胃虛弱易為冷熱其邪氣或動  
或靜故其痢乍發乍止謂之休息痢也 夫水穀之精  
化為血氣津液以養臟腑受風邪入腸胃故痢則津液  
空竭臟腑虛燥故痢而兼渴也渴而引飲即痢不止翻  
益水氣脾胃已虛不能克消水水氣流溢侵漬肌肉則  
變成瘰也病有數種有水痢有穀痢有血痢有膿痢有  
膿血相和痢有傷澀痢其水痢者本由脾氣熱消穀作  
水穀氣不停便生此痢穀痢者由脾氣冷穀氣不消而  
生此痢血痢者由毒熱在腹血流入腸故有此痢膿痢

普濟方  
卷二百七

九

者由積冷所致膿血相和痢者由冷熱相擊便致此痢腸澼痢者由積冷在腸間垢澆不能自固便有此痢色數雖多其源則一皆緣飲食不節將養失宜也腸垢者腸間津液也由熱痢益積腸間虛滑所以因下痢而使腸垢也當診其脉如下痢微小者生浮洪者死沉弦者下重脉大者未止緊者邪氣未解脉弱而微渴必自愈腸澼下膿血者脉宜微滑也若弦急者必死手足厥冷無脉灸之不溫脉不還反微滿者死身寒者生發熱者死

脉沉緊下之亦然脉大浮弦下之當已下痢脉浮大此為虛以強下之故也設脉浮革者因爾腸鳴當溫之下痢脉遲急為痛未欲止當溫之得冷者滿而使腸垢下痢身軀疼痛急救裏諸溫之屬可與理中四逆附子湯熱藥下痢大孔痛者當溫暖之下痢腹脹滿身軀疼痛者先溫其裏乃攻其表下痢清穀不可攻其表汗出必脈滿下痢氣者當利其小便下痢脉反浮數尺中自濇其人必清膿血下痢脉數而渴者今自愈設不瘥必清膿血有熱故也下痢脉沉弦者下重其脉大者為未止脉微弱數者為欲自止雖發熱不死下痢脉沉而遲其人面少赤下痢清穀必欲胃汗出而解病人必微厥所以然者面戴陽下虛故也下痢有微熱而渴脉熱者今自愈下痢脉數有微熱汗出今自愈設脉緊為未解下痢脉反強發熱身汗者自愈下痢脉大浮弦下當已下痢舌黃燥而不渴胸中寔下不止者死下痢後脉絕手足厥冷時時脉還手足溫者生不溫者死下痢手足厥冷

無脉者灸之不温若脉不還反微滿者死少陰負跌陽者為順凡六腑氣絕於外者手足寒上氣腳縮五臟氣絕於內者下不自禁下甚者手足不仁也痢與瀉名目不同而感受之源一也治療之劑大要以散風邪行滯氣開胃腕為先不可遽用肉苳菟訶子白朮葶以補住寒邪不可遽投嬰粟殼龍骨牡蠣葶以閉塞腸胃邪氣得補而愈感補之愈感而愈作不為纏擾撮痛則為裏急後重所以日久延淹而未已也痢之赤白其赤者

欽定四庫全書

醫方類聚

卷一百七

熱乘於血血滲大腸則赤也若風邪挾熱則所下黃而赤其白者冷搏腸間津液凝滯則白也若寒邪併之則所下白而黑冷熱相交故赤白相半重者狀若膿涎而血雜之輕者濃涎中間微有赤縷是也內挾風邪故青血流注或濕毒乘虛入腸胃之間則下如豈汁或有痰血是也論者以手足寒為冷手足溫為熱於理甚當亦當以赤白而並觀之雖然風寒暑濕感之於外者其大便而傷飽而宿酒漿醞醢以成積滯房閨縱情加奔

走勞役以耗精血非此病生於內者乎必明別內外而推度之則受病淺深用藥輕重知有定向矣下痢壯熱須用敗毒散如陳來問與五苓散黃連阿膠丸下痢雖曰有積有暑如用藥不效即是腰胃有氣邪熱者赤毒者與敗毒散冷者白者不換金正氣散加木香若下痢熱極煩併寤痛或久不愈諸藥不能者須下之以開除濕熱痞閉積滯而使氣液宣行者宜以逐之兼宣痢積熱也凡治痢不可拘於無積不成痢之說也專以去

欽定四庫全書

醫方類聚

卷一百七

積為先豈有一歲之內獨於夏秋之間人皆有積亦須明其脉體之由辨其風寒暑濕所中蓋風邪入胃水來勝土不為暴下則為痢疾其疾所發証候不一有赤痢白痢赤白痢冷痢熱痢蟲痢氣痢紫口痢積痢血痢久痢休息痢膿血痢五色毒痢凡下痢赤黃但欲飲冷小便不順利得熱則更極心煩燥喜渴脉虛大而數或沉寔有力由乘虛熱入於胃淩於下焦津液不分併於大腸謂之協熱痢先以小承氣湯一二服蕩之次以五苓

散加車前子以利小便次以黃連阿膠九治之 治痢  
 陟釐丸烏梅丸松皮散等暴痢服之何有不差其溫脾  
 湯史脾丸久不得之馬能得愈大凡痢有四種謂冷熱  
 痞益冷則白熱則赤痞則赤白相雜無復節度多睡眼  
 澁益則純痢瘀血熱則多益黃連去其乾薑冷則加以  
 熱藥痞則以藥吹灌下部益毒則以蠱法治之樂既主  
 對相當痢者復自勉勵服餌焉有不愈者也

諸瀉痢

欽定四庫全書

卷二百七

方

炙肝散 治脾胃虛弱五癆七傷肌體羸瘦全不思食  
 久患泄瀉腸滑不止心胸滿悶臍腹疼痛或便膿血  
 困倦無力四肢沉重及心勞口瘡並皆治之

木香 白朮 生犀角 山茵陳去 紅薑蘘 縮

砂仁 桂皮去 人參去 黑附子炮製去 石

斛剉 狗脊去 川芎 良薑 柴胡去 訶子

草薹炮製去皮 陳皮去 白芍藥

乾薑炮 桔梗 防風 紫苑去 紫參去

白蕪荑炒去 吳茱萸洗焙乾

右為末每二錢羊肝二兩去筋膜薄批搽藥入葱白

生薑綠鹽各少許拌勻紙裹水濕文武火煨熟用生

薑粥下食前日二

木香荳蔻丸 治臟腑冷極久冷傷噎口瘡下泄米穀

不化飲食無味肌肉消瘦心多嗔怒婦人產後虛冷

下泄及一切水泄冷痢脾泄此方於東坡家藏方內

欽定四庫全書

卷二百七

言用此藥與人莫不神應備錄病愈人名姓茲不備

述子用此方十餘年無不取効脾瀉者即愈而瀉痢

只一服見効惟熱痢熱瀉不治蓋藥主熱也隨註用

之

木香 破故紙各一 良薑七錢 砂仁七錢

厚朴七錢 赤芍藥兩 陳皮兩 官桂兩 白

朮兩 胡椒半 吳茱萸熱水洗 肉荳蔻四

檳榔一

右為未用葷水煮豬肝和藥搜勻仍用些麵糊為丸

如梧桐子大每服五七十九空心發稀米粥飲送下

訶梨勒丸 治五泄痢

訶梨勒 半生半根 益去核

肉苳菴 去

木香 各三分

乾

薑 炮 甘草 炙對各

右為未煮醋糊丸梧桐子大每服二十九至三十九

米飲下

鍾乳建脾丸 治男子婦人虛損羸瘦身體沉重脾胃

欽定四庫全書

醫方 卷二百七

冷弱飲食不消腹脹雷鳴泄瀉不止又治腸虛積冷

下痢清穀或下純白腹中疝痛及久痢赤白腸滑不

禁少氣羸瘦不思飲食並宜治之

肉桂 去塵 皮

人參 去 蘆

黃連 去 蘆

乾薑 炮

各一

蜀椒 去目及閉口者微 炒出汗三兩半

當歸 去 蘆

石斛

去根各

大麥蘖 炒一兩

附子 炮去皮 膽五錢

細辛 去 苗

上

茯苓 去 皮

神麴 碎

赤石脂 各一兩

半 一兩

鍾乳粉

右為未入鍾乳粉和勻煉蜜為丸如梧桐子大每服

三十九食前服溫米飲下日三服未効用三建湯吞

金粟黃芽丹數粒方見痢冷類一方通治男女集驗

無細辛龍骨

丁香苳菴散 治脾胃虛弱宿寒停積或飲食生冷物

內傷脾胃泄瀉注下水枝不化胸滿短氣嘔逆惡心

膈腹疝痛脇肋脹滿腹內虛鳴飲食減少及積寒久

痢純白或白多赤少日夜無度或脾胃虛寒泄瀉日

欽定四庫全書

醫方 卷二百七

久愈而復發者並宜服之

京三稜 炮

木香 不見 火

厚朴 去 蘆皮 薑汁製

芍藥

肉苳菴 炮

人參

乾薑 炮

茯苓 白者去皮 各五兩

甘草 炙

吳茱萸 湯泡七 次焙

丁香 各二兩

蒼朮 去 皮

兩 七

右為細末每服三錢水一盞薑三片棗一枚同煎至

八分空心食前溫服不及煎入鹽少許湯煎服亦得

白朮聖子散 治一切瀉痢久不瘥并婦人產後痢亦治

御米穀 三兩 蜜炒 當歸 乾薑 炮 石榴皮 甘草

訶子 肉苳菟 陳皮 去白 白朮 縮砂仁

芍藥 各等分

右為末每服二錢水一大盞入乳香少許同煎和滓服

服

固腸丸 治瀉及泄瀉

肉苳菟 面裹 炮 龍骨 煨 研 阿膠 阿粉 木香 濕紙

煨 附子 炮製 乾薑 炮 赤石脂 煨 七次 醋碎 研 人參

欽定四庫全書

去蘆已上 各一兩 沉香 半兩 鎊 不見火 白朮 二兩 炒 訶子 去核

右為末粳米糊丸梧桐子大每服七八十九空心米

飲下服藥後覺熱去附子加茱萸一兩黃連一兩

大溫脾丸 治脾胃虛弱冷氣攻衝飲食不化心腹脹

痛嘔吐吞酸痞噎及腸鳴泄痢水穀不分面黃肌瘦

食減嗜卧並皆治之常服溫脾益胃消殺進食如久

虛痼冷食少多傷尤宜常服

吳茱萸 湯洗七次 焙 大麥蘖 炒 肉桂 去蘆皮 各五兩 甘

草 炙 桔梗 人參 乾薑 炮 各三兩 附子 炮 去皮 各三兩

細辛 去苗 各二兩 枳實 麩炒 一分半 神麩 碎炒 三兩 一錢

右為細末煉蜜丸梧桐子大每服二十九溫酒下米

飲亦得日三服空心食前一服用枳殼

訶梨勒散 治泄痢無度

訶梨勒 母丁香 各五枚 甘草 炙 對一錢 肉苳菟 麩

欽定四庫全書

右為散米飲調下半錢食前服

纏金丹 治大人小兒一切瀉痢無問冷熱赤白連綿

不瘥愈而復發腹中疼痛者宜服之 和劑一名不二丸

硃砂 一方 無 乳香 各二錢半 杏仁 去皮 失 巴豆 去皮 心 膜

出油 各一錢半 黃蠟 朱砂 各一兩 木鼈 半兩 白膠香

錢 黃丹 二兩 砒霜 醋煮 煨 三錢半 或研 磁 子以赤石脂固 燒 鹽 泥 固

濟燒通赤 候冷取出

右為細末鎔蠟搜和九如麻子仁大每服一九小兒

半九水泄新汲水下赤痢甘草湯下白痢乾薑湯下

赤白痢甘草乾薑湯下并於臨卧時服孕婦莫服忌

熱物一二時辰一方鎔蠟為劑入油二十點令軟油

單裹旋丸

肉苳菴丸

出御醫院方

治腸虛脾弱停積風冷大便泄瀉

水穀不化腹脇脹痛下痢膿血過數頻併裏急後重嘔

逆惡心肢體困倦飲食減少

欽定四庫全書

香潔方卷二百七

肉苳菴根

黑附子炮去皮

川薑炮

桂去麩皮

硫黃研

白朮炒

當歸去蘆頭各一兩

川烏頭去

皮

紅苳菴各半

訶子皮一兩

右為細末醋麴糊丸梧桐子大每服三十九空心米

飲下

水菴木香丸仁存

治腸胃虛弱風濕進襲洩泄水穀

滯下膿血痔刺疼痛裏急後重日夜無度及純下白

痢淡紅黑痢

當歸洗芍藥白甘草炙訶子去核各半兩青

皮陳皮各一兩縮砂仁木香炮各一分厚朴去麩

皮切薑製一兩嬰粟殺切醋淹炒五兩

右為末塞丸一兩作五九每服一九水一盞煎七分

食前溫服凡血得熱則淖溢故行得寒則凝滯故

痰當審其風熱風冷二証與蠱痢大別外有血痔血

枯肉衄酒利肺疽腸胃大蓄遠近瘀血等各有門類

不可混雜積冷積熱及水穀是而下痢者以大黃湯

欽定四庫全書

香潔方卷二百七

下之養生方亦云疎滌之更不知有寒熱風濕虛寒

之不同後尋即妄用被害多矣吁可傷哉一方有乾

薑無縮砂仁厚朴

白朮調中丸

瑞竹堂

治脾胃不和心下堅痞兩脇脹滿

臍腹疼痛噫宿腐氣霍亂吐瀉米穀不消久痢赤白

膿血相雜多日羸瘦不思飲食

神麴炒四兩

白朮兩半

人參去

白茯苓去

猪

苓去黑皮

澤瀉各三錢

木香二錢

官桂去麩皮

一錢半

甘草 去皮炙 乾薑 炮

右為末麵糊丸梧桐子大每服五七十丸空心淡薑湯下

湯下

加味六君子湯 出德生堂 治一切脾胃虛熱泄瀉之証及

傷寒病後米穀不化腸中虛滑發渴微痛不久痊者

及治小兒脾甘泄瀉得痢

人參 白朮 白茯苓 甘草 黃耆 山藥

砂仁 各一兩 加厚朴 七錢 肉苳菴 炮炒為研

欽定四庫全書

醫方

卷二百七

右為末每服二錢飲水調服不拘時如熱煎麥門冬

水調服

震靈丹 出直指方 治脾瀉腹痛無定處似痢非痢骨痛面

驚腰脚時冷

禹餘糧 火燉醋淬不計過 丁頭代赭石 如上

赤石脂 紫石英 料碎已上各四兩入于鍋內以

十斤煖通紅火盡為度入地 滴乳香 別 沒藥

五靈脂 并去砂石 硃砂 一兩

右並為細末糯米粉糊丸小雞頭子大風乾每服三

丸用炒故紙入棗湯調鍾乳粉少許空心下小兒腎

泄白膿褐汁面黧齒脫畏人怯寒震靈丹末入步鐘

乳粉以棗煎炒故紙取熱汁調下

胃風湯 出直指方 治大人小兒風冷乘虛入客脾胃風散

氣故血行大腑多便鮮血水穀不化泄瀉注下腸胃

濕毒下如腹脇虛滿腸鳴豆汁或下瘀血日夜無度

瘡腹痛腸風下血婦人下血過多面黃力倦服此

欽定四庫全書

醫方

卷二百七

尤能資補但味甜恐傷穀氣耳

人參 白朮 茯苓 當歸 芍藥 桂心 芎

藭 各二兩 防風

右咬咀每服三錢水一大盞陳粟米百餘粒煎取七

分去滓熱服小兒量力與服今人多用此治痢止瀉

者皆非所宜但血痢脾胃虛壯宜服瘧痢皆生於脾

虛而有痰外冒風暑致陰陽分爭寒熱更作休作有

時病名曰瘧若脾胃虛而受積內挾風暑致臟腑不



調赤白雜下登廁頻數病名曰痢瘧痢二病中外証

雖不同要知此能傷耗氣血治瘧之法當先分陰陽

然後與之驅絕治痢之法當先除積滯然後與之調

止由是而知痰者瘧之根積者痢之源治之者必先

其要可也一方有甘草無防風 易簡加減胃風湯

又云若加熟地黃黃耆 甘草等分足為十味名十

補湯若虛勞嗽加五味子若有痰加半夏若發熱加

柴胡若有汗加牡蠣若虛寒加附子若寒甚加乾薑

皆依本方等分若骨蒸發熱飲食自若者用十補湯加

柴胡二兩服之者氣短加人參若小便不利加茯苓

若脉弦瀉加川芎若惡寒加官桂若脉瀉加當歸

腹痛加芍藥若胃熱濕加白朮潔古云黃防風為上

使黃連為中使地榆為下使若血瘰色結者陳血也

加熟地黃若血鮮紅者新血也加生地黃若寒熱

者加柴胡飢熱者加地骨皮若脉洪寔痛甚者加酒

浸大黃一方無防風

欽定四庫全書

卷二百七

醫方

當歸散 出危氏方 住瀉痢

地榆 陳皮 嬰粟殼 去蒂 粳稬 當歸 去尾 赤芍藥

甘草 肉苳菴 煨 黃連

右各等分為末每服二錢冷水調服

沒石子丸 出危氏方 治臟氣虛弱大腸滑泄次數頻併曰

漸羸瘠不進飲食或久患赤白痢脾瀉等病並皆治

之

白朮 白茯苓 各二錢 白薑 切作片 赤石脂 別研

欽定四庫全書

卷二百七

醫方

丁香 不見火 訶子 滿紙裏炮取 肉苳菴 炮

沒石 南番考題 炮各二兩

右和勻用湯泡蒸餅為丸梧桐子大每服三四十丸

米飯吞下食前一日三四服肉丸亦得

感應丸 出仁存方 治臟腑停積臍腹疼痛米穀不化下痢

赤白泄瀉注下

丁香 木香 各一兩半 肉苳菴 二十枚 百草霜 研二兩

巴豆 七粒 乾薑 炮一兩 杏仁 一百四十粒去皮尖研成膏